

KERAJAAN NEGERI KELANTAN

PEKELILING PENGARAH TANAH DAN GALIAN KELANTAN BILANGAN 2 TAHUN 1973

BAYARAN KERANA MEMINDAH TANAH (PTK. 21 BUTIRAN 51)

Mengikut Peraturan Tanah Kelantan 21 Butiran 51, mana-mana tanah Kerajaan yang hendak dipindah, misalnya oleh pemborong-pemborong ke lain-lain tempat, untuk projek-projek tertentu dikehendaki dibayar cukai tanah (royalty) sebanyak 50 sen bagi setiap satu ela padu. Bayaran ini mesti dikenakan ke atas semua orang atau pemborong-pemborong yang mengambil tanah sama ada untuk projek persendirian ataupun projek Kerajaan Negeri atau pun Kerajaan Pusat.

2. Adalah didapati bahawa pada masa-masa yang lepas pemborong-pemborong yang menjalankan kerja bagi projek-projek kerajaan negeri telah dilepaskan daripada bayaran ini. Keadaan yang demikian telah merumitkan kerja-kerja pemungut-pemungut hasil tanah untuk mengawasi dan menentukan yang mana satu pemborong yang mengerjakan projek kerajaan negeri dan yang mana yang tidak. Ini juga boleh membawa kepada pemborong-pemborong menyalahgunakan kelepasan cukai yang diberi itu. Pemungut-pemungut Hasil Tanah dalam mesyuaratnya telah membuat keputusan untuk meminta pihak kerajaan mengkaji semula hal ini.

3. Pada 16/11/1972 Jawatankuasa Kampung telah menimbang perkara ini di dalam mesyuarat yang telah dipengerusikan oleh Datuk Timbalan Menteri Besar. Mesyuarat tersebut bersetuju supaya semua pemborong-pemborong membayar cukai-cukai tanah dahulu sebelum kerja-kerja memungkah tanah dijalankan melainkan ada kebenaran bertulis daripada Pengarah Tanah dan Galian di bawah peraturan tanah. (Kebeneran seperti

ini pernah diberi bagi maksud Lapangan Terbang dan Rancangan Perairan Kemubu).

4. Oleh itu pemungut-pemungut cukai hasil tanah diminta menyelaraskan kerja-kerja mengenakan cukai-cukai ini dan memberi kerjasama yang teratur supaya kerja-kerja kemajuan kerajaan tidak tergendala dan terlewat.

t.t

(Mohd. Ariffin bin Daud)

Timbalan Pengarah Tanah dan Galian
Kelantan

KOTA BHARU :

PTG.KN. 76/72/(7)

BERTARIKH : 24HB. MAC, 1973